

اسلام دنیایی

عدد	۳۳۲	۲۰	جاذی الاول	۲۰	پنجشنبه	۲
۳	۳۳۰	۳	نیسان	۳		

نقیدات

«سیو لرومکتبلی» مقاله‌سنه جواب

هر ملتده مغلوبیتدن صوکره براتباء حاصل اولور، بوانتباء جریاتی اداره ایدمک اولانلرده ملتک قسم نوریدر، قسم نور ملتہ یا کلاش یوللر توصیه ایدرسه فلاکت اوچوروملرینه سوروکلہ نمکده استعجال کوسترمکدن باشقه برشی یاپیلماش اولور.

ایشته اویاکلاش یوللردن بری ده اسلام دنیاسنک ایکنجی سنه سنک ایکنجی عددده (میسونزلر و مکتبلی) سرلوحه سی تحتده میسونزلری و مکتبلی مدح و ثنا بیوران؛ واسلام چوققلرینک، میسونزلرک آغوش تربیه سنه آتیلماشی حرارتله توصیه ایله ین بر مقاله در صاحب مقاله دیورکه :

«چوققلرینک مسائل تحصیل لری ایلہ آزچوق علاقه دار اولان بابالری ایکی قسمه آیراییلیر؛ برنجی قسم : اجنبی مکتبلرندہ اختیار اولونان طرز تحصیل و تعلیمک مکملیتی کوزمک دوامده بر محذور بولایانلر... ایکنجی قسم؛ میسونزلرک معلوم اولان غایه و مقصدلری بیلنلر و بوندن توحش ایدمک چوققلری مکاتب اجنبیه ویرمکه جسارت ایدمه یئلدر. برنجی قسم شویله دوشونور: دیرلرکه؛ بونلرک غایه و مقصدلری اسلاملری دینلردن تجرید ایلہ کندی مذهب لریک رواج و انتشاری نامین ایلہ مک .. بوتون مکتبلر، بومؤسسہ لرب اوغایه ایچین ایش! نه مه کرک! اولادم

تحصیل ایتمین، اوکرتین ده .. ایکنجی قسم ایسه شو فکرده در: دوشونورسی اولادی تحصیل ابتدیره حکم دیه بر طاقم فکری بوزوق آدملرک آغوش اغفانه آتامام ... بزم مکتبلرک نه سی وار؟ او قویوب ده علامه اولاجق دکل آ! .. برنجی قسم بر آزلایقید و مساحکار اما حقی. طرز تفکرندہ اصابت وار .. عرض ایدم: ... الخ»

محور بوندن صوکره مدایحه باشلایور، سویله یور، سویله یورده بتیرمه یور، مقاله نک نهایتده ده :

مکاتب اجنبیه دوام ایدمک عقائد دینیه قطعاً برخلل طاری اولیه جفتی بیلن و بوحقیقتی تسلیم ایدن هیچ دورماسین اوغانی بومکتبلردن برینه ویرسین .. زیرا بزم الک مکمل مکتبلریز بونلرک یاننده صولده صفر قالیر! آمین اولالم .. بخشنز یک مهمدر الخ» دیور.

ینه مراقفی آلامایور، زواللی دها یازمق ایسته یور، غزته نک جچنده قباحث بولویور، فقط بوخیلی (!) دلالت وارشاده باشقه چاره دوشونویور و بولویور، دیورکه :

«ایستردک که بوتون تفصیلاتیه بازام، نه چاره که بوکا غزته نک حچی مساعد دکل. بناء علیه خصوص مذکورہ دائر استفسارده بولونمق ایسته ین قارئلریمزہ جواب ویرمکه حاضرز .. بر مکتوبله (...) آندره سنه مراجعت بیوریلہ ..»

بونی او قودقدن صکره باشمی المرمک

آره سنه آلدیم ده اویله بردوشوندم: ایواہ !...
اگر پدرلر حقیقهٔ محرر مقاله نك دیدیکی کبی
دوشونورلر سه ، یازق ، بوماته یازق !...
بوقلا کتلك منشائی حالا اکلایامادقی! محو
اولدق ، ییتدك ، حالا میسیونرلردن ، پاپاسلردن
مدد اومورور :

محرر مقاله افراد ملتدن بریدر ، احتمال که
حسن نیت ایله یازمشدر ، فقط یا کلمشدر ، نك
برفردك یا کلمشندن برضرر حاصل اولماز ، بئم
قاعت کلام واردوکه اکثریت ملت محرر
مقاله نك دوشوندیکی کبی دوشونمز .

« نه مه کرک! اولادم تحصیل ایتسین ده... »
دین بابالر اگر وارسه آبدالدرلر ، عییا اونلر
(تحصیل) ی ناصل اکلایورلر! تحصیل دیمك:
معلوماتی طبقا ، باصه چوجفك دماغه دولدور ویده
معلومات فیجیسی یا یمنق دیمك میدر؟ معلومات
صاحبی اولمش ، فن اشنا بولونمش ، عالم و متفنین
اولمش نه زمان که بئم آرزو ایتدیکم حسلر ،
کندیسنده بولونمایاجق ، او علمندن نه فائده
حاصل اولور ؟ ! ...

چتالجه ده دشمن طوپلری باطلارکن
بك اوغلنده ذوق وصفاییدنلر ، شهرلر برر
برر سقوط ایدرکن قلبنده ذره قدر بر آجی ،
برتاثر حس ایتمینلر ، ایشه هب اومیسونر
پاپاسلرینك شا کرده عرفانلیدر .

باقکنز ؛ عزیزم ، بر تحصیل وار ، برده غایه
تحصیل وار ، بونلر ، آیری آیری شبلردر ؛
تحصیل برواسطه در ، غایه دکلدرد ، کذا علوم
ومعارف هب اوغایه و وصول ایچین اتخاذا

ایدیلن وسائط جله سندنلر ؛ اولاً : بزغایه مزی
تعین ایدم اوندن صوکره اوغایه و وصوله
چالیشام ؛ باقلم میسیونرلر ، بزی اوغایه به ایصال
ایده جکمی ؟

غایه تحصیل « حیات حاضر لائق » دیه
قیصه جه تعریف ایدنلر وارسه ده بوتعریف
بك عمومیدر ، بونی براز تحلیل لازمدر . بجه
غایه تحصیل بودر : « بر جوجق ؛ (۱) ملی
ایده آله صاحب اولمالیدر . (۲) مسلمان
اولادی مسلمان اولارق یتشمیلیدر . (۳)
مایتپرور اولوب اسلاف واجداد عظمتنه حرمت
حسیله دماغی مشوع بولونمالیدر . (۴) یالکنز
مسلمانلری یکدیگریله قارداش بیلمه لیدر .
(۵) مسلمانلک کو کسنه کبریت صوبی دوکه که
چالیشان ، وبوقدر مسلمان قانلری دوکه رک
مسلمان عرضلری ، ناموساری هتک ایدن
جاناوارلره ، ووطن مقدسره کوز دیکن
خارجی و داخلی عموم دشمنلره قارشى انتقام
حسیله پرورده ایدله لیدر . (۶) وطنپرور اولمالی
وطنندن باشقه هیچ برشی اونك دماغنده بر
بولمالیدر . (۷) متشبث فعال ، سجه لى ،
فداکار و معلوماتلى اولمالیدر . »

سز ایسترسه کنز بونلرک عددینی جوغالدا
بیله دیککنز کبی بعضلرینی ده طی ایده بیلیرسکنز .
فقط هر حالده یالکنز یدنجیسی ایله اکتفا
ایده مرسکنز . چونکه انسانلرک احتیاجی یالکنز
یمك ، ایچمك ، ذوق ایتمك دکلدرد ، انسانلر
حیوانات سائر کبی یالکنزده یاشایمازلر ،
هر انسانك مطلقا برماتی ، برمایتی بروطن

اولق لازم کلبه، و واردر؛ انسان، بولوندینی
جیمیک افرادی آرمسندہ کندی سعادتیلہ
مسعود، کندی اضطرابیلہ مضطرب اولہ حق
انسانلرک بولونماسنی ایستہ .

هر ملتک بر (ایدہ آلی) بر (غایہ امل) ی
واردیرکہ بوغایہ امل افراد ملتہ مکتبلردہ
تلقیح ایدیلیر فقط بونک تلقیحی قولای
برمسالہ دکلر، بونک ایچین بتون تدریساتک
بالجہ معلومات و مکتسباتک - حتی او یونلرک
بیلہ - اوغایہ توجیبی لازمہ، هر معلم درسی
احضار و تقریر ایدرکن مطلقاً اوغایہ املی
هدف اتخاذ ایدر، اذهان اطفالی او هدفہ تقریبہ
جالیشیر، تدریساتندہ غایہ امل ملیدن
اوزاقلاشدینی نسبتدہ معلم؛ وطنہ، ملتہ
خیانت ایتمش اولور .

هر ملتک (غایہ امل) ی باشقہ باشقہ
اولدینی کبی برمسلمان ایلہ برخرستیانک
(غایہ امل) ی دہ ینہ باشقہ در، ملل نصارا
آرمسندہ غایہ امللر تخالف ایدر .

ایدہ آلاری - آخرتہ اینانانلردہ داخل
اولق ایچین - دنیوی و اخروی اولق اوزرہ
عمومی بر تقسیمہ تابع طوتمق لازم کلبه .
اخروی غایہ املمز : «ان الدین عندالله
الاسلام، ان اکرمکم عندالله اتقیکم، للذین
احسنوا الحسنی و زیادہ» آیت جلیلہ لرندہ
مندمجدر . میسیونر جنابلری، مسلمان
چو جقلرینی بوغایہ تفریبہ الینہ جالیشیر (!)
دنیوی غایہ املہ کلنجه :

برمسلمانلرک غایہ املی تدقیق و تبحری
ایتمدن اول ملل اجنبیہ دن، دها دوغرو
تغیر ایلہ، دشمنلریمزدن مثال آلمق قائمہ دن
خالی اولماسا کرکدر : بولغارلری آلہ آلام،
بولغارلرک ایدہ آلی، غایہ املی نہ ایدی؟
بولغارستان تشکل ایدملی دنیوی بتون بولغارلری
تورک و مسلمان بیوندوروغندن تخلیص ایلہ
بیوک بر بولغار اینراطورانی تشکیل ایتمک .
بونک ایچین اوتوز سنہ جالیشدیلر، بولغار
معلملری، محررلری، شاعرلری هر برده
بوفکری تلقین و تلقیح ایتدیلر، اوتوز سنہ
ایچندہ یتیم نسل جدید؛ تورکلرہ،
مسلمانلرہ قارشی اوقتر غیظ و کین ایلہ برورده
ایدیلرکہ بر بولغار، ایدہ آلی اوغرندہ جاتی
فدادن هیچ بروقت صاقینادی، بومسانی
باطلاتدینی کبی کندی دہ فدا اولدی، لکن
تورکیانک اسایشنی اخلاص ایتدی یا؟ بناء علیہ
ایدہ آلہ برقدہ دها یاقلاشمش اولدی،
ابتدا قلبہ بی جبراً ضبط و الحاق ایلہ دیلر،
بولغار معلملری ما کدونیا دہ ہشتلی فعالیتہ
باشلادی، ثانیاً : اعلان استقلال ایتدیلر برنساک
ایکن قراللق اولدی، درجہ ثالثہ دہ اعلان
حرب ایدہ رک امللرینہ نائل اولدیلر، بزی دہ
بتیردیلر، طیبی بولغارلرک شیمدیکی غایہ
امللری باشقہ صورتلہ تجلی ایدہ جکدر .
یونانیلرہ کلنجه :

اونلرک دہ ایدہ آلی استاتبولک ضبطیدر،
یو محاربہ دہ مملکتلرینہ برمثنی دها علاوہ
ایتدیلر . بونکله برابر غایہ امللرینی هیچ

باطلا تمانی، اوله سنی واولدورمهنی کوزه
آلدرمق ایچین اتنای تدریسده هر فرصتدن
استفاده ایله سوزی اورایه توجیه ایتک
لازمدر. (بونلرک دهاتوسیبی ممکن ایسه ده
بو قدر کافیدر.)

بوفکر، احتمال، بعضلرینه خیال کچی کلیر
فقط انسانلرک خیالهده احتیاجلری واردر،
همده پک خوق خیاللرک حقیقت اولدینی
کورولش شیلدرر .

رجا ایدرم، سویله ییکز، برمیونر پاپاسی
مسلمان اولادینه مسلمانلق تلقین ایدرمی؟
غریبدرکه بونک حقتده محرر مقاله باقکز
نه دیور :

« اولجه بوکی (یعنی دین) مائلنده
مسامحهکار اولانلر بیله میسیونر مکتبلرینه
کیدنجه دینلرنده عادتاً مدهش برر متعصب
کسیایور و میسونرلره تعریف قبول ایتمز بر غیظ
و کین حس ایدیورلر . »

بوندن اکلاشیلورکه میسونر مکتبلرنده
(دین اسلام)ه قارشى تجاوزات و تحقیرات
اجرا ایدیایورمشدن مقابلهٔ مسلمان شاگردلر،
میسیونر جنابلرینه بر غیظ و کین حس
ایدیورلر مش. البته دورورکن بر آدنه قارشى
غیظ و کین حس ایدلر یا !

فقط محرر، سویله دوشونته یور او
دیورکه خایر بونکله مسلمان چو جقلری،
مسلمانلقلرینی اوکره نیورلر :

دها غریبی : میسونرلر جریده لرنده

برزمان ده کیشدیرمه مشلدرر . بوسقوطده
(قره فزیه) روم متره بولیدینک سابق ولی عهد
ولاحق قرال قسطنطینه سویله دیکی شوسوزلر
نه قدر معینداردر: « خرسیتیانلق نامنه ایتدی ککز
مخاربه ده کی مظفریتلردن دولایی سزی تبریک
ایدرم، استانبوله ده بویله جه مظفر آکیرمه کنه
دعالر ایدرم و سزک بالذات اوردونک باشنده
بولونما کزی ده فال خیر عد ایلرم: چونکه
وقتیله (محمد) استانبولی (قسطنطین) دن
آلمش ایدی، شمدی ده (قسطنطین)،
(محمد) دن آلا جقدر ! » ایشته متره بولید
جنابلرینک یونان اوردوسنی استقبال ایدرکن
سویله دیکی نطق! ... عبرت، مسلمانلر،
عبرت ...

بزمده ملییه (ایده آلز) بولونمالیدر،
« فاعتدوا علیه بمثل ما اعتدی علیکم » آیت
جلیله سیله بوکا دینآده مأمورز، اونلر بزمه ناصل
ونا صورتله دشمنلق، عداوت یا بدیلرسه بزمه
اونلره اونک منئی یا مالی یز و یا باجقر . ظلمه
ظلم عدلدر. ملی غایه خیال اولق اوزره برنجی
درجه، ضبط ایدیان، آنا وطندن قوباریلان
یرلرک قطعیاً استردادى (۲) عالم اسلامک،
اوروبا حکومت ظالمه خرسیتیانیه سی طرفدن
آزیلدیکنی، درت یوز میلیون اسلامک ایکیم
ایکیم ایگله دیکنی و بونک چارهٔ تخلیصی (اتحاد
اسلام) ایله حصول بولاجقنى اولاد مسلمینه
ای برصورتده تلقین و تلقیح ایتک، در .

ایجابنده بوملی غایه امل اوغورنده بومبالر

یازیورلرمش که : «بك چوق اسلام چوجقلرینه
خرستیان روحی ویریوروز وکوندن کونه خر -
ستیانلق توسع ایدیور . . .»

بوکافارشی محررمقاله دییورکه :

« صاقین بونلرک بویله یازدقلرینه باقماییکز ،
بونلر خلاف حقیقتدر ، آوروپاده کی زنکین
خرستیانلردن پاره قوبارمق ایچین بویله یازارلر ،
سز اورکه بیکنز ، بن بونلرک آرارلرند
بولونورم .»

فقط بوکافرالدن زیاده قرال طرفدار
دپرلر ، اگر حقیقت محررمقاله نك دیدیکی کبی
ایسه اوزمان ، بونلرک یالانچی ، دولاندیریجی
آدملر اولدقلرینی کندیسی اقرار ایتمش
اولویور . یالانچیلق ، دولاندیریجیلق ایسه هر
یرده فضایح اخلاقیه دندر ، اخلاقسز آدملرک
الترینه چوجق تسلیم ایتک جایندور .

غایه تدریس دیه صایدیغمز (۲ ، ۳ ، ۴ ، ۵ ، ۶)
نجی غایه لره پاپاس جنابلری اصلا یاناشماز ،
چونکه اونک حسابنه الیرمز .

بو صاییلان غایه لری ظن ایتم که هیچ بر
پدر ترک ایتسین ، ترک ایدرسه وطنه خیانت
ایتمش اولور ، « ملتیم نوع بشردو وطنم روی
زمین » درجه سنه دنیا هنوز یوکسه له مدی ، بتون
کرذارض خلقی وطن غایه سیله ، ملیتپرورلک
املیله اوزریمزه یورورلرکن ، بز انسانیتدن ،
فضائلدن دم اورورساق ینه الدانلر ، بز
اولورز ، روم ایلنده زواللی مسلمانلری ، قادین
وچوجقلری آتشارده یاقارلرکن اوانسانیتچی

آوروپا قهقهه لوله کولویوردی ، مظلوملرک ،
شهادتک صیجاق قاندیری حالاً توتتمکده ! نه چابوق
اونوتدق ! . . . بولغار قرالی فردینساند ،
خرستیانلق نامه (اهل صلیب) محاربه سی اعلان
ایتدیکی زمان بز انسانیتجیلر ، حیرت ایتدک
« هیچ یکرمنجی عصر مدنیتده دین نامه محاربه
اولورمی ؟ » دیه اعتراض ایتدک سه ده حرفلر
« اولور » دیدیلر ویایدیلر . مصیبت وفلاکتلری
اونودان مللر ، فلاکتدن قورتولمازلر . « یمک ،
ینمک ایشه بودر : یاشامانک قانونی - سنی
یرلر یمزایسه ک سن اونی .»

اولای اطفاله عاجزانه بیانه جرأت اید -
بیورم که : ای مسلمانلر ، عقلکزی باشکزه
طوبیلا بیکنز . نه اکه نك بیوکی ، چوجقلریلری
اجنبی مکتبلرینه و برمه کزدور ، سزمعصوملری
فرانسز ، ایتالیان . . . پاپاسلرینک « دسب
تربیه » سه ترک ایدم رک دینکزه ، ایمانکزه
وطنکزه ایملک ایتمش اولمازسکز ، بلکه فئالق
یایمش اولورسکز ، چونکه فرانسیزجه ، انگلیزجه
دها بیلم نهجه اوکرتمک هوسیه یایدیغکز
بوفداکارلق ، سزه بردینسز ، بروطنسز ،
برملیتسز ، براید آلر یتشدیره جکدر .

یتیشلر بلکه برشمندوفره ، بربانقه
کاتب اولورلر ، بول بول معاش آلرلر فقط
مملکتلرینه بر فائده لری دوقونماز ، بالعکس
ضررلری اولور .

علم ایلله تربیه ملیه دن برینی ترک ایتمک
ضرورتی حاصل اولسا علمی ترک ایتمکده تردد
ایتمه بیکنز ، چونکه معلومان آزر وطنپرور ،

مطلوماتی جوق بر وطنسزدن دها خیرلدر
خیرالناس من یفیع الناس . والسلام علی من اتبع
الهدی .

۲۲ مارت ۲۳۰۰ میړکون :

محمد شوکت

بر و وعظۀ دیندارانه

مصرده جامع ازهر علمای ممتازه مسندن
شیخ عبدالحجید اللبانك و بر دیکي قونفرانسردن
اولوب مصر غزه لرنده کورنایان آتیده کی
بیاناتی نفعاً للنعموم اقتباس و درج ایلاک :

دین مبین اسلام خلقك منافع و مصالحی
ایله متناسب و حکمت قواعدی اوزرینه بنا
اولمیش بر دین فضیلت و ارشاددر . هیچ بر
زمان و مکان ایله مقید دکلدر .

اسلافتر شافعی معنوی اولان بودین خیفه
تمسك ایده ایدم ، نفوذ و سطونلری آرتدقچه
آرتدی . شرف و حیثیتلری تعالی ایله دیکجه
ایله دی . تاریخ انلك مناقبی بك شافعی بر صورتده
قید و نسجیل ایلدی .

بزم تأخر و اضمحلالتر ایسه ایشته قواعد
دینه دن خروج و انحراف ایملک کمزدن ایلری
کلپور . آبا و اجداد مركز احکام دینه دن سرمو
انحراف ایتمدکلری و سنت سنیه دن ذرئما
آیرلمدکلری ایچون دین مینك ایجاباتندن
اوله رق جمه سی اوله متحد و متفق ایدیلرکه
یکدیگرلرینی عادتاً اوز قاردهش کی سورلر ،
یکدیگرینك منافعی کندی منفعتلرینه ترجیح

ایدرلردی . بافکتر سزه بر مثال سویلیهیم :
اسلام غزوه لرندن برنده ساحه و غاذه
بر جوق مجروح دوشر . بونلره صو ویرلک
اوزره کلن ساقیه اکه باشده کی مجروح ،
اولدقچه صویه احتیاجی اولدینی حالد ،
یاننده کی آرقداشك احتیاجی بلکه کندیکنکندن
زیاده در دیه صویك اوکا ویرلسنی سویلور .
آرقداشیده عینی حس ایله یاننده کی دیکور
آرقداشینی کندینه ترجیح ایدر . بو صورتله
مجروحلر جان چکیشرلرکن بیه آرقداشلرینی
اونو نایه رق و آنلری کندی نفسلرینه ترجیح
ایدرک احکام مقدسه دینه یه قارشی اولان فرط
حرمت و رعایتلرینی کله نك بتون معنای
شمولیه اظهار و اثبات ایلمشلردی . ایشته
دین مینك امر ابندیکی اتحادك نه یولده اولسی
لازم کله جکینی کوسترن اسلاف محترمه دن صکره
اوله نسللر کلدی که بر طاقم غنغاته صاویله رق
و جائب دینه یی اونوتدیلر ، احکام شرعیه یی
اهمال ایلدیلر . بوسیدن طولای در که خصم
واقربا آرمهنده بیه تفرقه تخملری کیردی .
بر بدر اوغلانی ، بر قرداش قرداشینی چکمه مکه
باشلادی . دها فضله اوله رق طاعات و عبادات
یرینه هوسات و ملاهی قائم اولدی ، سفاهت
قبولری آچیلدقچه آچیلدی .

ایشته بوسیه اسلامیت علیه انتقاد
و اعتراض جریانلری باشلادی . دین دشمنلری
فرصتن بالاسفاده ائرنندن کلنی یانمقدن خالی
قالما یوزلر . بوکا مثال اوله رق ایشته سزه بر
حقیقت سویله یورم که بی جوق متالم ایدیور .